



CONCELLO DE BOIRO

BASES DO CONCURSO DO ENTROIDO 2020

A Concellería de Cultura do Concello de Boiro, convoca unha nova edición do tradicional concurso de disfraces e carrozas que se realizará no marco das actividades de Entroido 2020 o martes, día 25 de febreiro, na Praza de Galicia.

1. PARTICIPANTES:

Neste concurso poderán inscribirse todas as asociacións, comunidades, grupos culturais, festeiros, veciñais...ou persoas que o desexen.

Os inscritos neste concurso están obrigados a formar parte no desfile que comezará ás 18:00h na Praza de Galicia. Estes terán que confirmar a súa chegada ante a organización antes das 17:30h. onde lle comunicarán as indicacións necesarias.

Non se permite a participación de animais no desfile.

Non se permite o consumo de alcohol durante o desfile.

En todo momento deberán cumprir as indicacións da organización.

LUGAR E DATA DE CELEBRACIÓN

O concurso terá lugar o martes, día 25 de febreiro ás 18:00 h na Praza de Galicia, percorrendo diferentes rúas ata rematar no mesmo sitio.

Se as condicións meteorolóxicas non permitisen a realización do desfile, a organización poderá suspendelo ou aprazalo para outro día.

2. MODALIDADES:

- ✓ Individual/Parella
- ✓ Grupos
- ✓ Carrozas
- **Individual/Parella:** Poden participar a partir de 13 anos, farán constar o nome do disface e da persoa que se presenta.
- **Grupos:** Considérase grupo aquel que este formado polo menos tres participantes maiores de 13 anos cunha temática común.
- **Carroza:** Considérase carroza a un aparello móbil conformado por unha plataforma ou varias debidamente adornadas e acorde coa temática do grupo. A carroza estará formada como mínimo por catro persoas.

Aqueles que participen cun vehículo, carroza, remolque ou outro de grandes dimensión comunicaránolo á organización cun mínimo de dous días de antelación.

As medidas dos vehículos (carrozas) poden ser as seguintes:

Longo: 11 metros máximo - Ancho: 2,5 metros máximo - Alto: 3,5 metros máximo



Así mesmo, os condutores dos vehículos ou carrozas deberán cumprir coa normativa vixente e dispor do seguro obrigatorio e o de responsabilidade civil, así como estar en posesión do permiso de condución correspondente.

As carrozas deberán estar dotadas de medidas de seguridade para garantir o benestar das persoas.

INSCRICIÓN: As persoas interesadas poderán inscribirse de maneira gratuíta de diferentes maneiras:

- ✓ Presencial ou vía telefónica: no Centro Social de Boiro ou no teléfono 981 84 26 35, de luns a venres de 10:00 a 14:30h
- ✓ Correo electrónico: enderezo de correo electrónico centrosocial@boiro.org
- ✓ O prazo de inscrición rematará o venres 21 de febreiro ás 13:00 h.

- ✓ As persoas que non se inscribiron deste xeito poden facelo no mesmo día dende ás 16:30h ata ás 17:30 na Praza de Galicia.

(O impreso de inscrición pódese descargar da web municipal: www.boiro.gal)

- 3. PREMIOS:** Os premios que excedan de 300 € aplicaráselle a correspondente retención fiscal segundo o regulamento do IRPF. Para poder optar aos premios os participantes deberán realizar o desfile. **Os gañadores do concurso en cada unha das categorías acadarán os seguintes premios:**

INDIVIDUAIS	GRUPOS	CARROZAS
1.º 190 €	1.º 300 €	1.º 870 €
2.º 170 €	2.º 250 €	2.º 300 €
3.º 150 €	3.º 220 €	3.º 250 €
4.º 120 €	4.º 180 €	

A relación dos premiados daranse a coñecer rematado o desfile.

Os participantes premiados deberán facilitar a seguinte documentación para que o concello de Boiro poida efectuar o pagamento:

- **Persoas físicas:** certificado bancario da titularidade da conta da persoa que se inscribiu no concurso e fotocopia do DNI e modalidade de instancia debidamente cuberta. Inclúense neste epígrafe os representantes que se inscriban nas categorías grupos e carrozas que non constan coma persoas xurídicas, e dicir, no caso de grupos integrados por persoas físicas, se poderá optar por un pago único á persoa representante do grupo ou carroza e que se inscriba en nome do grupo ou polo pago proporcional a cada un dos membros participantes, circunstancia que deberá figurar na acta debendo cada membro deberá presentar a certificación bancaria.
- ✓ No caso de menores premiados que non teñan conta bancaria poden facilitar o do pai, nai ou titor/a.



- ✓ **Persoas xurídicas:** No caso de participar nesta modalidade deberán presentar una fotocopia do CIF, certificado bancario da titularidade da conta da asociación e modalidade de instancia debidamente cuberta.
(A instancia pódese descargar na web municipal :www.boiro.org)
- ✓ Esta documentación terá que presentarse no Rexistro Xeral do Concello de Boiro ata o día 3 de marzo do 2020. Non se admitirán solicitudes unha vez rematado o prazo.
- ✓ Unha vez rematado o prazo de entrega da documentación para reclamar o premio, o persoal técnico do Departamento de Cultura, realizará o informe pertinente, segundo a acta do xurado, para a súa aprobación na Xunta de Goberno Local e posterior pagamento por transferencia bancaria aos premiados (persoa física ou asociación).

5. LUGAR E HORA:

Os disfrazados nas tres modalidades do concurso poden presentarse o día 25 de febreiro ata ás 17:30h na Praza de Galicia ante a organización no lugar reservado. O desfile dará comezo ás 18:00 h, todos os participantes do concurso están obrigados a realizar o desfile, percorrendo diferentes rúas ata rematar no mesmo lugar.

- ✓ Se as condicións meteorolóxicas non permitisen a realización do desfile, a organización poderá suspendelo ou pospoñelo.

6. XURADO

- ✓ O xurado estará composto por dous técnicos de cultura e dous membros da corporación municipal, quedando estes facultados para resolver todos os aspectos que non estean contemplados nas presentes bases.
- ✓ Tras a deliberación, os membros do xurado levantarán acta, debidamente asinada, da relación de premiados.
- ✓ En caso de dúbida, a denominación de disface, grupo ou carroza será determinado polo xurado.
- ✓ O xurado resérvase a posibilidade de declarar algún premio deserto ou transferilo a outra categoría .
- ✓ A decisión do xurado darase a coñecer o día 25 de febreiro do 2020 na Praza de Galicia e será inapelable.
- ✓ Calquera cuestión non contemplada nas presentes bases será resolta segundo o criterio da organización, sen estar obrigada a comunicalo previamente.
- ✓ Toda interpretación sobre as presentes bases correspóndelle unicamente ao xurado.

7. DEREITOS DE IMAXE

O Concello de Boiro resérvase a potestade de fotografar e/ou gravar aos participantes, así como a utilización das imaxes para promoción e difusión do evento.

8. PUBLICIDADE DAS BASES

As presentes bases serán publicadas no taboleiro do Concello de Boiro e nas diferentes instalacións culturais coas que conta o noso concello, dándolle maior difusión a través doutros medios de comunicación.



9. DESCALIFICACIÓN DO CONCURSO. As persoas que non cumpran cos criterios establecidos pola organización poderán ser eliminados.

10. RESPONSABILIDADE: O Concello de Boiro non se fai responsable dos danos morais ou materiais que, a si mesmos ou a terceiros, ocasionen os/as participantes deste desfile e concurso de Entroido 2020.

11. ACEPTACIÓN DOS PARTICIPANTES

A participación neste desfile/concurso implica a aceptación das presentes bases.

En Boiro, a 12 de febreiro do 2020